



Број/Број: 03/1-50-7-38- /09
Сарајево/Sarajevo: 4.5.2009.

Članovima Zajedničke komisije za odbranu i sigurnost BiH:

Šefik Džaferović, Vinko Zorić, Drago Kalabić, Mirko Okolić, Jozo Križanović, Sulejman Tihiić, Hazim Rančić, Branko Zrno, Ivo Miro Jović, Dušanka Majkić, Slobodan Šaraba i Adem Huskić

PREDMET: Informacija o učešću u programu „NATO Tour 2009“
Veza, akt broj: 03/1, 03/11-05-180/09

U organizaciji Vlade SAD-a i na poziv Ambasade SAD u BiH, od 19. -23. aprila 2009. godine, organizirana je aktivnost pod radnim naslovom „NATO Tour 2009“.

Branko Zrno, predsjedavajući Zajedničke komisije i Željko Grubešić, stručni savjetnik, na poziv Ambasade SAD-a učestvovali su u programu „NATO Tour 2009“.

Ispred MO BiH u pomenutim aktivnostima učestvovala je Marina Pendeš, zamjenica ministra odbrane, a ispred MVP-a BiH Bakir Sadović- Odjel za mir i sigurnost.

Program je realiziran u Briselu od 19.-21.4.2009., te u Ljubljani od 22.-23.4. 2009. godine.

Realiziranje programa u Briselu, 20.-21. 4. 2009. godine

20.4.2009.

Učesnici programa posjetili su SHAPE, Glavni vojni štab NATO-a.

Tokom boravka u Štabu SHAPE-a održani su brifinzi o temama:

- NATO i Zajednička operativna komanda (ACO),
- EU i Operacija ALTHEA,
- Programi vojne saradnje u NATO-u.

Karakteristično za održane brifinge i razgovore koji su slijedili nakon istih je da je NATO u ovom momentu najviše pažnje usmjerio ka operacijama na Kosovu „KFOR“ i Avganistanu „ISAF“. Situacija na Kosovu i Avganistanu je, po riječima predavača, i dalje jako komlicirana i zahtjeva dodatne angažmane kako NATO Stožera tako i zemalja učesnica.

Kada je u pitanju Bosna i Hercegovina ozbiljno se razgovara o redefiniranju misije „ALTHEA“.

Sredinom 2009. godine biće poznato kako će se snage EUFOR-a dalje angažirati u BiH, te kako će na najefikasniji način iskoristiti svojih 2200 vojnika, oficira i stručnjaka različitih profila.

Vrlo interesantno je objašnjena koordinacija u aktivnostima između NATO Štaba i EUFOR Komande u BiH, što govori da NATO i EU usko koordiniraju svoju misiju u BiH.

Ono što ohrabruje, a u čemu je Zajednička komisija za odbranu i sigurnost bila veoma angažirana je popuna Misije BiH pri NATO-u i susret a pukovnikom Nedžadom Sadikovićem, koji je počeo sa svojim aktivnostima u SHAPE štabu.

Pukovnik Sadiković je počeo sa radom u bazi SHAPE 1.4.2009. godine i imponuje njegov angažman i ozbiljnost u prihvatanju i izvršavanju zadataka koji su definirani u misiji koju izvršava.

21.4.2009. godine

Misija SAD-a pri NATO-u bila je domaćin tokom aktivnosti u Glavnom sjedištu NATO u Briselu. Održani su brifinzi i razgovori o sljedećim temama:

- Pregled trenutnih pitanja od interesa za NATO (Zsoltan Rabai),
- BiH-Euro-atlanska saradnja i partnerstvo kao sredstvo reforme (dr. Jaroslaw Skonieczka),
- Postizanje konsenzusa: Donošenje odluka unutar Alijanse (dr. Jamie Shea),
- Put naprijed: Partnerstvo BiH i NATO-a (Kate Byrnes i predstavnici Norveške i Mađarske misije pri NATO),
- BiH i NATO: Prilike za saradnju i postizanje konsenzusa (Frank Boland),
- Perspektive SAD prema NATO-u nakon samita.

Karakteristično za predavanja i razgovor sa zvaničnicima NATO-a je da su jako dobro informirani o situaciji u Bosni i Hercegovini i toku reformi. Zabrinuti su stanjem i političkom situacijom u BiH, najviše retorikom vodećih političara. Zabrinjava ih sporost rješavanja problema s vojnom imovinom i drugim problemima koji se već godinu dana ponavljaju u kontaktima sa BiH zvaničnicima. Zvaničnici NATO cijene da zbog takvog stanja reforma i put ka NATO-u stoje u mjestu, te svi parametri pokazuju da je u pitanju zastoj.

Zvaničnici NATO-a nude pomoć i stručnjake, te očekuju rješavanje problema koji su postali hronični. Očekuju daleko više koordinacije i interresorne saradnje unutar Vijeća ministara BiH na putu ka NATO-u. Akcijski plan za članstvo „MAP“ je stvar opredjeljenja BiH i njenih zvaničnika. NATO će pozdraviti ispunjenje kriterija i obaveza koji će dovesti BiH u „MAP“.

Zvaničnici SAD-a i čelnici Misije SAD pri NATO-u bezrezervno podupiru put BiH u NATO, ali očekuju dodatne konkretne korake u rješavanju postojećih problema.

Upriličen je i susret sa predstavnicima Misije BiH pri NATO-u gdje su članovi Misije Goran Pranjić, Brane Janković i Slaven Arambašić informirali učesnike programa o aktivnostima Misije i naporima koje ulažu u postizanju ciljeva za koje se Bosna i Hercegovina opredijelila.

Realizacija programa u Ljubljani, 22. i 23. 4.2009. godine

22.4.2009.

Program u Ljubljani je realiziran u organizaciji Ambasade SAD u Sloveniji.

Tokom prvog dana programa učesnici „NATO Tour 2009.“ posjetili su sljedeće institucije:

- Ambasada SAD u Ljubljani i sastanak sa otpravnikom poslova Bradley Freden,
- Sastanak sa članovima Komisije za odbranu u NS Republike Slovenije,
- Sastanak sa predstavnicima Ministarstva vanjskih poslova Slovenije,
- Sastanak sa državnim sekretarom Ministarstva odbrane Slovenije i njegovim saradnicima.

Svi pomenuti susreti i razgovori su bili izuzetno korisni i sadržajni.

Zvaničnici Republike Slovenije su prezentirali svoje aktivnosti u putu ka NATO-u. Inerresorna saradnja, studioznost i veliki broj kvalificiranih ljudi su osnovna karakteristika puta Slovenije ka NATO-u. Otvorenim i veoma srdačnim razgovorima domaćini su prezentirali i najsitniji detalj u pripremi institucija i slovenačkog društva ka NATO-u. Ponudili su pomoć u vidu angažiranja

stručnjaka i brojnim programima, a kada je u pitanju politički stav prema BiH i njenom putu ka NATO-u, tu je evidentna puna saglasnost da je BiH mjesto u NATO uz ispunjenje uslova koji su poznati već duže vrijeme. Zvaničnici R Slovenije šalju prijateljske poruke i ohrabruju BiH zvaničnike i građane da istraju u rješavanju postojećih problema kojih je i Slovenija imala jako puno.

23.4.2009.

Ured Vlade Slovenije za odnose sa javnošću prezentirao je svoje aktivnosti u pripremi institucija i slovenačkog društva ka NATO-u. Niz interesantnih podataka i aktivnost nekoliko stotina stručnjaka koje je angažirala Vlada R Slovenije prezentirana je s ciljem da se pokaže da u NATO ne ulazi ni vojska ni ministarstvo odbrane jedne države, nego društvo u cjelini.

Put ka NATO-u je šansa za cjelovite reforme unutar društva i države i to je Slovenija na vrijeme shvatila i višegodišnjim osmišljenim programima ostvarila.

„NATO Tour 2009.“ završen je razgovorom s dr. Antonom Beblerom, predsjednikom Nevladine organizacije „Atlanski savez“. Višesatni dijalog s dr. Beblerom je bio višestruko koristan i potpuno otvoren u oba smjera. Pokazao se vrsnim poznavaoцем regiona i Bosne i Hercegovine. Prezentirao je pogled akademika, diplomate i građana Slovenije o Bosni i Hercegovini i Sloveniji.

Zaključak:

„NATO Tour 2009.“ bio je izvanredno organiziran. Sagovornici su bili temeljito pripremljeni za teme koje se tiču regiona i Bosne i Hercegovine. Bosna i Hercegovina je i dalje interes NATO-a i njenih članica. Svi pojedinačno i u cjelini kao NATO zajednica žele pomoći BiH i njenim zvaničnicima u rješavanju problema, ali tvrdnje da je zastoj u reformama više nego evidentan nisu dobre i šalju poruke u kojima sve institucije pojedinačno moraju naći sebe i držati se proklamiranih i dobro poznatih ciljeva i programskih opredjeljenja.

Predsjedavajući
Zajedničke komisije
Branko Zrno